

全唐文

金
庫
大

欽定全唐文卷八百三十九目錄

劉岳

除官當頒告身奏

請革虛銜任官疏


崔沂

請覆勘寇彥卿致死梁觀奏

安重誨

郭彥夔不許改名疏

朱守殷



上玉璽表

魏迺

申請慎勘囚徒奏

盧咸雍

請禁盜賊疏

錢傳

請禁止侵踐壇壝奏

李同

請逐旬斷囚奏

隆昌平刑罰疏

李殷夢

題備前軍太監張林主口奏

乞高宏超減死奏

趙明吉

題備前軍太監張林主口奏

請修天下宮觀奏

杜紹光

禁軍門部某無醜疏

請置丞簿等官奏

李光緯

禁軍門部某無醜疏

請錄功臣後裔奏

鄭統

請禁諸吏僭侈奏

王鉏

請禁軍門招集無賴疏

楊途

請修整都城奏

郭正封

請曉諭諸軍放還所掠生口奏

劉昌魯

致馬殷書

崔協

請令國子監學生束脩光學等錢充公使奏

孫元

大唐銅山禪師信行和尚蘭若記

于嶠

請令河朔從常調疏

請蠲減租稅疏

李羗

奏乞恭陵園林地畝狀

蘇楷

駁昭宗諡號議

張廷範

昭宗諡號議

崔慄

請禁諸道進鞍轡御衣奏

請正街坊疏

欽定全唐文卷八百三十九

劉岳

岳字昭輔其先遼東襄平人遷洛陽少舉進士事梁厯官
侍御史貞明初爲翰林學士累遷戶部侍郎後唐莊宗入
汴貶均州司馬尋授太子詹事明宗卽位厯兵部吏部侍
郎忤馮道徙祕書監遷太常卿卒年五十六贈吏部尚書

除官當頒告身奏

凡在立朝悉是爲臣之責每蒙進秩咸加報上之忠奉勅
命以遷升固當感抃降綸言而褒飾或未捧觀將使知罷

陟之繇認訓誥之旨必在各頒官告令覩制詞處班列以增光傳子孫而永耀伏請自今凡有除轉登朝官已上在京召至閣門宣賜在外則付本州使賜之

請革虛銜任官疏

常懷卒年五十六

伏以有國命官立朝釐務必資詳練以集事功竊見諸色詞科多昇通籍向者先爲列藩從事參佐可稱次經三館職名編修是著方居華秩始在彤逵近或雖有兩任前銜未厯一司公事莫申勞績虛謂滯淹未若委以親人俾之及物粗聞善最無議陟遷免自歎於漂流復有名於選任

伏乞特加搜採廣察單平白身者授以佐僚歷官處之縣
令歲月俟當於制限班資擢在於朝行理契毓材事惟責
實

崔沂

沂字德潤宰相魏公鉉幼子舉進士歷監察補闕昭宗時
累遷諫議大夫入梁爲御史司憲擢禮部尚書貞明中充
西京副畱守入後唐爲左丞判吏部尚書銓選司謫石州
司馬明宗卽位復爲左丞以太子少保致仕卒年七十餘
贈太子少傅

請覆勘寇彥卿致死梁觀奏

彥卿位是人臣無專殺之理況天津橋御路之要正對端門當車駕出入之途非街使振怒之所況梁觀不時迴避其過止於鞭笞猝首投軀深乖朝憲請論之以法

安重誨

重誨應州人其先本北部豪長後唐明宗鎮安國以爲中門使及卽位領樞密使遷左領軍衛大將軍兼領山南東道節度使改兵部尚書累加侍中兼中書令徙河中節度使坐與宦者交私明宗令太傅李從璋極殺之

郭彥夔不許改名疏

伏以凡是一人名皆繇父命侍側者稱以榮左右爲後者稱以奉蒸嘗犯廟諱須更同御名亦改降此以外迴避無聞以春秋論之衛侯名惡大夫有齊惡太宗朝有虞世南君不聽臣易名皆所以重人父之命況郭彥夔長在青州霍彥威有時移鎮寧將私敬上瀆聖聰若便允從恐多援引只宜如故工部郎史于鄴奏名是盧文紀私諱儻許更名卽不至尤違其郭彥夔請在本道宜令權稱致雍在告勅內卽須仍舊誠爲至論永作通規

朱守殷

守殷少事後唐莊宗爲奴名會兒及卽位以爲長直軍使
稍遷蕃漢馬步都虞候同光二年領振武節度使兼蕃漢
馬步軍天成初拜同中書門下平章事授河南尹判六軍
諸衛事加侍中移汴州節度使後謀叛明宗討之力屈自
盡

上玉璽表

臣修雒陽月波隄至立德坊南古岸得玉璽一面上進伏
以皇上陛下明德動天聖靈御宇遂使千年之瑞出於九

地之間輝煥簡編光華帝道臣竊觀異瑞益表太平

魏迺

迺後唐天成元年官大理少卿

申請慎勘囚徒奏

此後伏請指揮天下州縣應所禁囚徒不許州縣廂縣太
小刑獄委觀察使刺史慎選清強判官一員於本廳每月
二十六日兩衙引問明置獄狀細述事端大則盡理推尋
小則立限決遣其外縣鎮禁人三日外具事節申本州府
仍勘問指揮

盧咸雍

咸雍後唐天成二年官起居郎

請禁盜賊疏

賊寇宵行逼脅村舍俾供食宿及當敗露指引行程追禁
經時慮妨農作望頒明勅俾得疎治

錢傳

傳後唐天成二年官太常丞

請禁止侵踐壇壝奏

當司專典祠祀伏以國城西面羣祀各有壇墠近年多被

民戶侵耕畜牧騰踐莫知處所行事之時旋封土芟草有
乖誠敬今正芳春易行止絕者

李同

同後唐天成二年官左拾遺

請逐旬斷囚奏

天下繫囚請委長吏逐旬親自引問質其罪狀真虛然後
論之以法庶無枉濫

平刑法疏

三尺之法天下共之法一動搖民無所措是知愛育黎庶